




www.BibleForChildren.org


Génesis 1




Ndee jaxtnañu'u ja ni junkoo
ñuyiu, ni sa'a ia Dios
andivi jin ñuyiu.



Te ñuyiu ya'a, chi tu ni oyukun, ni tu sa'un nagua ni oo,
chi nino'o ndute ni okuu nii nii ñuyiu,
te nii nii ni oo inee, tu ni ondijin
maintno'o Espíritu maa Dios,
guaa ni okanda nii
nuu ndute yun.




Yun te ni ka'an Dios: "Ja na ye'e ni'nu". Te ni ye'e. Te ni
xnani Dios jaye'e ni'nu nduu, te ja inee jakuaa. Te saa
ni kuu ja mañini vi ndee ne'e kiuu xtnañu'u.



Yun te jiña'a ia Dios: "Ja nune ma'ñu ndute". Te na kuu
siin de. Te ni xnani Dios ichi nuu ni nune yun andivi. Te
saa ni kuu ja mañini vi ndee ne'e kiuu kuu uu.




Te jiña'a tuku Dios: "Ndututu ndi'i ndute ni kendoo ichi chii andivi invaa ni nuu, te ndatuu jayichi". Te saa ni kuu. Te ni xnani Dios nuu yichi yun ñu'u, te ndute ni ndututu yun ni xnani ya mar. Te ni ndia'a Dios ja ndi'i ja ni sa'a ya oo gua'a.




Yun te saa jiña'a Dios: "Ja na koo ndinuu nuu yuku kuii,
te na koo ndikin vi ndinuu nuu yutnu kuun javixin tnu.


Te ndi'i ndia'a tnu na koo ndikin nuu
ñu'u ya'a", ni ka'an Dios. Te vi
saa ni kuu. Te saa ni kuu
ja mañini vi ndee ne'e
kiuu kuu uni.




Te ni sa'a Dios uu ndatniuu na'nu ja vi koye'e. Jaka'nu
ka kuu ja koye'e tno'o nduu, te jalule ka
kuu ja koye'e tno'o jakuaa, te suni
saa ni ni sa'a ya kimi. Te saa
ni kuu ja mañini vi ndee ne'e
kiuu kuu kuun.




Te jiña'a Dios: "Na ta'u ndinuu nuu kiti ndute vi kiti na vi kondagua siki ñu'u ichi andivi". Te saa ni kuu ja mañini vi ndee ne'e kiuu kuu u'un.




Yun te jiña'a Dios: "Na ta'u ndinuu nuu kiti koo nuu ñu'u, kiti tata ja oo kuun nda'a vi ndi'i kiti yuku vi kiti ñuu chii nuu ñu'u na koo ndinuu nuu ti". Te saa ni kuu.




Yun te ni ka'an Dios: "Na vi sa'o teyii vi nagua ka ndaa mao na kava de vi nagua ka oo ka ndaa mao, te na kotatnuni de nuu chiaka vi nuu ndi'i kiti ndagua ichi andivi vi kiti tata ja oo kuun nda'a vi kiti yuku vi ndi'i kiti ñuu maa nuu ñu'u". Te ni ndia'a Dios ja ndi'i ja ni sa'a ya oo gua'a ndeva'a. Te saa ni kuu ja mañini vi ndee ne'e kiuu kuu iñu.



Te ni jinsia'a ña Jito'o Dios jin teyii nuu ni skute ya
yutnu kuii nuu nani Edén ja na koxtaya de ndu'u tnu vi
na koto de tnu.



Te tatnuni Jito'o Dios nuu
de, te jiña'a ya: –Ndi'i
javixin kuun nuu yutnu
kuii jian kuu kaa ron.
Su javixin kuun yutnu
skuni ña java'a vi
jakue'e ma kuu kaa ron,
chi kiuu na kaa ron
javixin tnu, te vi jandaa
ka'an rin ja kuu
ron –jiña'a ya.




Te ni nduku Adán sivi ndi'i kiti yuku vi kiti ndagua andivi
vi kiti tata. Su maa de, chi tu na in kuu chituu
tna'a inuu jin de.



Yun te ni sa'a Jito'o Dios ja ni kixin naa ndeva'a Adán,
te nini kixin de, te ni tau ya in yiki yika de, te ni ndakasi
ya jin kuñu nuu ni tau ya yiki yun. Te vi jin yiki yika maa
de yun ni tnii Jito'o Dios, te ni sa'a ya
in ñasi'i, te ni jiña'a ya nuu de
ja vi kokuu nduu jin de.




Te yun guaa xndoo teyii tata de vi nana de, te
nitna'a de jin ñasi'i de, te ndi nduu de jin ña ka
kuu invaa ni ka ñayiu.



'Chi ni kutoo ndeva'a ña ia Dios jin
ñayiu ñuyiu, yun guaa ni jiña'a ya
invaa Se'e ya, nagua ja ndi'i ñayiu
ka kandija ña jin ya ma vi junai,
chi vi ni'i ja vi kotekui nikuii nikani.



1



60



Romanos 3:23 Chi ndi'o ni ka sa'a yika kuechi, te ni ka kuu jikao nuu ye'e tajan ia Dios.

Romanos 6:23 Chi ya'u ja ka ni'o ja ka sa'o yika kuechi kuu ja vi kuo, su ja skuta'u ña ia Dios kuu ja vi kotekuo nikuii nikani jin Jito'o Jesukristu.

Hebreos 9:27 Saa nagua ka ji'i ndi'i ñayiu invaa ni jichi, yun te kua'ankuei ja ka'nde ia Dios kuechi.

Efesios 2:8,9 Chi ni ka'an nda'u ni ka'an kee ña ia Dios jion, ja ni skaku ni'nu ña ya jin ma'ñu sagua ja ka kandijao. Te masu in ja vaji nuu mao kuu, chi in java'a ja ni skuta'u ña ia Dios kuu. Te masu jin tniuu gua'a ja ka sa'o kuu ja skaku ni'nu ña, nagua ja ni in ñayiu ma vi kokuu teyii jin tniuu gua'a ka sa'i.



Romanos 10:9,10 Chi nuu ja jin yu'u ni na'ma ni ja Jesús kuu Jito'o ni, te kandija ni jin anu ni ja ia Dios ni ndaxteku ya ne'u ndiyi, te kaku ni'nu ni. Chi jin anuo kandijao nagua ja kokuo ñayiu ndaa, te jin yu'o na'mao ja Jesús kuu Jito'o, nagua ja skaku ni'nu ña ya.

San Juan 3:16,17 'Chi ni kutoo ndeva'a ña ia Dios jin ñayiu ñuyiu, yun guaa ni jiña'a ya invaa Se'e ya, nagua ja ndi'i ñayiu ka kandija ña jin ya ma vi junai, chi vi ni'i ja vi kotekui nikuii nikani. Chi tu ni tetniuu ia Dios Se'e ya ñuyiu ja xtavi kuechi ya ñayiu ñuyiu, chi ni tetniuu ña ya nagua ja vi kaku ni'nu ñayiu ñuyiu jin ma'ñu sagua ya.



1 Juan 5:11-13 Te ya'a kuu tno'o ndaa ja ndakani maa ia Dios: ja taa ya ja vi kotekuo nikuii nikani, te jin ma'ñu sagua Se'e ya vi ni'o ja vi kotekuo. Chi ñayiu oo jin Se'e ia Dios, te kotekui nikuii nikani, su ñayiu ja tu oo jin Se'e ya, te ma kotekui. Tno'o ya'a ni tee san nuu in in ni ja ka kandija ni sivi Se'e ia Dios, nagua ja vi kuni ni ja vi koteku ni nikuii nikani.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Mixtec, Northern Tlaxiaco Bible (xtn) © 2016, Wycliffe Bible
Translators, Inc. All rights reserved.

<https://live.bible.is/bible/XTNTBL/GEN/1>

©2025 Bible for Children, Inc.

www.M1914.org

www.bibleforchildren.org

